

Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH



Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ



---

Bulevar mira b.b., zgrada Delta 2, telefon 049 218-220, faks 049 218-438  
Булевар мира б.б., зграда Делта 2, телефон 049 218-220, факс 049 218-438  
[www.revizori-bdbih.ba](http://www.revizori-bdbih.ba)

Broj:01-02-03-13-159/13

R: 04-02; 013-02/13

## IZVJEŠTAJ

### O REVIZIJI FINANSIJSKOG POSLOVANJA KANCELARIJE KOORDINATORA BRČKO DISTRIKTA BiH PRI VIJEĆU MINISTARA BiH za period 1. 1. - 31. 12. 2012. godine

Brčko, maj 2013. godine

## SADRŽAJ

<b>NEZAVISNO REVIZORSKO MIŠLJENJE .....</b>	<b>2</b>
<b>1. UVOD.....</b>	<b>4</b>
<b>2. OPĆI DIO .....</b>	<b>4</b>
<b>3. PREDMET, CILJ I OBIM REVIZIJE .....</b>	<b>4</b>
<b>4. OSVRT NA NALAZE I PREPORUKE PRETHODNE REVIZIJE.....</b>	<b>5</b>
<b>5. PLANIRANJE I IZVJEŠTAVANJE O IZVRŠENJU BUDŽETA.....</b>	<b>5</b>
<b>6. KOMENTAR.....</b>	<b>6</b>
<b>P R I L O G.....</b>	<b>8</b>

Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH



Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ



---

Bulevar mira b.b., zgrada Delta 2, telefon 049 218-220, faks 049 218-438  
Булевар мира б.б., зграда Делта 2, телефон 049 218-220, факс 049 218-438  
[www.revizori-bdbih.ba](http://www.revizori-bdbih.ba)

## KANCELARIJA KOORDINATORA BRČKO DISTRIKTA BiH PRI VIJEĆU MINISTARA BiH

Gospodinu Siniši Kisiću

### NEZAVISNO REVIZORSKO MIŠLJENJE

#### **Predmet revizije**

Izvršili smo reviziju finansijskog poslovanja Kancelarije koordinatora Brčko distrikta BiH pri Vijeću ministara BiH (u daljnjem tekstu: Kancelarija), za period 1. 1. - 31. 12. 2012. godine, te reviziju usklađenosti poslovanja s važećim zakonskim i drugim relevantnim propisima.

#### **Odgovornost rukovodstva**

Rukovodstvo je odgovorno za finansijsko poslovanje Kancelarije i usklađenost poslovanja s važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih grešaka u finansijskom poslovanju.

#### **Odgovornost revizora / revizorki**

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, brojevi: 40/08) i ISSAI standardima revizije (Službeni glasnik Brčko distrikta BiH, broj 11/11). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne greške, te da je poslovanje usklađeno s važećim zakonskim i drugim relevantnim propisima.

Revizija je uključila sprovođenje postupaka s ciljem pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, s ciljem osmišljavanja revizorskih postupaka koji su odgovarajući u datim okolnostima, ali ne s ciljem izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

#### **Pozitivno mišljenje**

Po našem mišljenju, u finansijskom poslovanju Kancelarije u toku 2012. godine, nije bilo značajnih neusaglašenosti s važećom zakonskom regulativom i odobrenim pozicijama budžeta.

Zamjenici glavne revizorka  
Tomo Vozetić, dipl. oec.

Glavna revizorka  
Dževida Hodžić, dipl. oec.

---

Božo Zimonjić, dipl. oec.

---

## **NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA KANCELARIJE KOORDINATORA BRČKO DISTRIKTA BiH PRI VIJEĆU MINISTARA BiH ZA 2012. GODINU**

### **1. UVOD**

Revizija finansijskog poslovanja Kancelarije obavljena je na osnovu ovlaštenja datih Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08). Revizija je obavljena u martu 2013. godine.

### **2. OPĆI DIO**

Kancelarija je osnovana 18. 12.. 2005. godine potpisivanjem sporazum o uspostavljanju Kancelarije. Sporazum je potpisan između Vijeća ministara Bosne i Hercegovine i Brčko distrikta Bosne i Hercegovine.

Nalogom supervizora od 4. 4. 2006. godine za Brčko distrikt BiH, imenovane su osobe za rad u Kancelariji čime su stvorene pretpostavke za početak rada iste.

Članom 50 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10) je regulisano da je Kancelarija odgovorna za zastupanje interesa institucija Distrikta pred institucijama Bosne i Hercegovine.

Članom 27A Zakona o izmjenama i dopunama Zakona o Vijeću ministara Bosne i Hercegovine (Službeni glasnik Bosne i Hercegovine, broj 76/07) definisano je da je Kancelarija nadležna da vrši sve aktivnosti s ciljem koordinacije rada Vijeća ministara i Brčko distrikta Bosne i Hercegovine, a u svrhu primjene Konačne arbitražne odluke za Brčko.

Istim Zakonom je definisano da će Kancelarija imati sljedeće nadležnosti, prava i dužnosti:

1. da bude pravovremeno informisana o svim sjednicama Vijeća ministara;
2. da prisustvuje svim sjednicama Vijeća ministara, Odbora za unutrašnju politiku i Odbora za ekonomiju;
3. da, s ciljem realizacije poslova iz svoje nadležnosti, ima pristup svim materijalima, koji se pripremaju za sjednicu Vijeća ministara, materijalima koje Vijeće ministara prosljeđuje Parlamentarnoj skupštini Bosne i Hercegovine, kao i materijalima proslijeđenim Vijeću ministara od Parlamentarne skupštine Bosne i Hercegovine;
4. da, po ovlaštenju predsjedavajućeg Vijeća ministara i predsjedavajućih Odbora za unutrašnju politiku i Odbora za ekonomiju, učestvuje u raspravi na sjednicama Vijeća ministara i oba odbora o svim tačkama dnevnog reda koje se odnose na Brčko distrikt Bosne i Hercegovine, bez prava učešća u donošenju odluka;
5. da posredstvom predsjedavajućeg Vijeća ministara predlaže tačke dnevnog reda iz svoje nadležnosti za sjednice Vijeća ministara.

Članom 33 Zakona o izmjenama i dopunama Zakona o javnoj upravi Brčko distrikta Bosne i Hercegovine je definisano da je Kancelarija nadležna za:

1. zastupanje interesa Distrikta u Savjetu ministara BiH;
2. uspostavljanje i održavanje saradnje i koordinacije s institucijama BiH, međunarodnim organizacijama, fondovima, ambasadama, kao i koordinaciju s nadležnim odjeljenjima Vlade radnim grupama i tijelima;
3. podnošenje izvještaja i predlaganje aktivnosti gradonačelniku i Vladi koji se odnosi na koordinaciju i saradnju Distrikta sa Vijećem ministara BiH i drugim institucijama BiH;
4. i druge poslove po zahtjevu gradonačelnika i Vlade iz nadležnosti Kancelarije određene zakonom i drugim propisima.

### **3. PREDMET, CILJ I OBIM REVIZIJE**

**Predmet revizije** je finansijsko poslovanje Kancelarije za 2012. godinu, u dijelu planiranja i izvršenja budžeta, ocjene sistema internih kontrola, kao i usklađenost poslovanja sa zakonskim i drugim relevantnim propisima.

**Cilj revizije** finansijskog poslovanja Kancelarije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje obavljeno u skladu s cjelokupnom zakonskom važećom regulativom Brčko distrikta BiH, kao i planiranim pozicijama budžeta. Revizija je planirana i izvršena s ciljem pribavljanja realne osnove da li finansijsko poslovanje Kancelarije odražava realnu sliku poslovanja tokom godine i stanja na kraju godine. Revizija će utvrditi da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, postizanje transparentnosti i zakonitosti u radu, kao i javne odgovornosti koordinatora Kancelarije. Revizija uključuje davanje nalaza i preporuka za daljnji rad s posebnim naglaskom na što efikasniju i ekonomičniju zaštitu imovine i trošenje javnih sredstava putem jačanja internih kontrola.

**Obim revizije** je utvrđen internim planskim dokumentima revizije.

S obzirom da se revizija obavlja provjerama na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

#### **4. OSVRT NA NALAZE I PREPORUKE PRETHODNE REVIZIJE**

Na osnovu izvršene revizije finansijskog poslovanja Kancelarije za 2012. godinu možemo konstatovati da Kancelarija nije realizovala preporuku datu prethodne godine koja se odnosi na planiranje izdataka za doprinose poslodavca i ostale doprinose.

#### **5. PLANIRANJE I IZVJEŠTAVANJE O IZVRŠENJU BUDŽETA**

Tekući budžet Kancelarije planiran je u iznosu od 271.232,42 KM, a realizovan u iznosu od 261.905,23 KM, odnosno 96,56% od planiranog.

Kapitalni budžet za 2012. godinu planiran je u iznosu od 35.000,00 KM za nabavku opreme (putničkog automobila). Do kraja 2012. godine nije došlo do realizacije kapitalnog budžeta.

##### **Bruto plaće i naknade**

Organizacionim planom Kancelarije su određene odgovornosti i ovlaštenja zaposlenih. Navedenim aktom sistematizovano je 5 izvršilaca. Tokom cijele godine sve pozicije su bile popunjene i planiranje budžeta je izvršeno na osnovu Organizacionog plana.

Realizacija finansijskih sredstava za bruto plaće i naknade, iznosi 182.744,88 KM, što čini 100,00% od planiranog iznosa od 182.745,60 KM za 2012. godinu i odnosi se na godišnje plaće i naknade pet zaposlenika.

##### **Naknada troškova zaposlenih**

Sredstava za naknade troškova zaposlenih planirana su u iznosu od 62.400,00 KM, a realizovana su u iznosu 59.340,60 KM, odnosno 95,10% od planiranog iznosa.

##### **Doprinosi na teret poslodavca**

Doprinosi na teret poslodavca planirani su u iznosu od 7.309,82 KM, a ostvareni su u iznosu od 4.312,20 KM, odnosno 58,99%. Niska realizacija ove vrste rashoda je zbog načina planiranja doprinosa na teret poslodavca, odnosno 4% od iznosa planiranih bruto plata i naknada.

### **Putni troškovi**

Putni troškovi su planirani u iznosu od 1.834,00 KM, a ostvareni u iznosu 1.347,00 KM, odnosno 73,45% od planiranog iznosa.

### **Nabava materijala**

Rashodi za nabavke materijala planirani su u iznosu od 400,00 KM, a realizacija finansijskih sredstava za nabavku materijala i sitnog inventara iznosi od 353,64 KM, odnosno 88,41% od planiranog iznosa.

### **Izdaci za usluge prevoza i goriva**

Izdaci za usluge prevoza i goriva planirani su u iznosu od 8.450,00 KM, realizacija finansijskih sredstava za usluge prevoza i goriva iznosi 7.964,96 KM, odnosno 94,26% od planiranog iznosa.

### **Izdaci za tekuće održavanje**

Izdaci za tekuće održavanje planirani su u iznosu od 4,653,00 KM, realizacija finansijskih sredstava za tekuće održavanje iznosi 3.641,15 KM, odnosno 78,25% od planiranog iznosa.

### **Osiguranje i bankarske usluge**

Rashodi osiguranja i bankarskih usluga planirani su u iznosu od 870,00 KM, realizacija finansijskih sredstava za izdatke osiguranja i bankarskih usluga iznosi 827,12 KM, što čini 95,07% od planiranog iznosa.

### **Ugovorene usluge**

Rashodi za ugovorene usluge planirani su u iznosu od 2.450,00 KM, realizacija finansijskih sredstava za ugovorene usluge iznosi 1.373,72 KM, odnosno 56,07% od planiranog iznosa.

### **Kapitalni budžet**

Kapitalni budžet Kancelarije planiran je u iznosu od 35.000,00 KM i odnosio se na nabavku putničkog automobila. Do kraja 2012. godine nije došlo do realizacije ove pozicije, zbog toga što je procedura zajedničke nabavke vozila, koju je Kancelarija pokrenula 27. 4. 2012. godine, bila poništena rješenjem Ureda /Kancelarije za žalbe.

Kancelarija je uputila novi zahtjev za nabavku 26. 11. 2012. godine, a nabavka je okončana dodjelom ugovora 11. 3. 2013. godine.

## **6. KOMENTAR**

Kancelariji koordinadora Brčko distrikta BiH pri Vijeću ministara BiH je uručen Nacrt izvještaja o reviziji finansijskih izvještaja na dan 31. 12. 2012. godine, broj: 01-02-03-13-103/13, na razmatranje i dostavljanje eventualnih novih dokaza i komentara na nalaze revizije.

Ured – Kancelarija za reviziju javne uprave i institucija u Brčko distriktu BiH

U ostavljenom roku od 15 dana, Kancelarija koordinatora Brčko distrikta BiH pri Vijeću ministara BiH se očitovala dopisom broj: 17-05-61/13-1 od 24. 4. 2013. godine i nije imala komentara na nalaze sadržane u Nacrtu izvještaja o reviziji. Stoga ovaj izvještaj predstavlja konačan izvještaj dostavljen klijentu, bez korekcija u odnosu na Nacrt izvještaja.

Tim za reviziju

Envera Imamović, dipl. oec.

Tatjana Pavlović-Klašnić, dipl. iur.



**P R I L O G**

**Struktura planiranih i izvršenih tekućih izdataka po pozicijama**

**Tabela br. 1**

<b>R. br.</b>	<b>Šifra ekonomskog koda</b>	<b>Naziv ekonomskog koda</b>	<b>Planirani iznos</b>	<b>Realizovani iznos</b>	<b>Indeks (5:4)100</b>
1	2	3	4	5	6
1.	611100	Bruto plate	182.745,60	182.744,88	100,00
2.	611200	Naknade troškova zaposlenih	62.400,00	59.340,60	95,10
3.	612100	Doprinosi poslodavca i ostali doprinosi	7.309,82	4.312,20	58,99
4.	613100	Putni troškovi	1.834,00	1.347,00	73,45
5.	613400	Nabavka materijala i sitnog inventara	400,00	352,64	88,41
6.	613500	Izdaci za usluge prevoza i goriva	8.450,00	7.964,96	94,26
7.	613600	Unajmljivanje imovine i opreme	120,00	-	-
8.	613700	Izdaci za tekuće održavanje	4.653,00	3.641,15	78,25
9.	613800	Izdaci osig., bank. usluga i usluga plat. prometa	870,00	827,12	95,07
10.	613900	Ugovorene usluge	2.450,00	1.373,72	56,07
<b>11.</b>	<b>Ukupno</b>	<b>-</b>	<b>271.232,42</b>	<b>261.905,23</b>	<b>96,56</b>